

դարձոյց զնոսա փութանակի յետս, աճապարել և փութալ հասանիլ 'ի Կոստանդինուպօլիս (յՅ Սեպտեմբերի) :

Նիստ Չորրորդ, ('ի 12 Օգոստոսի) :

Վերստին կոչեցան Հայք և Յոյնք յատեան Դատաւորաց . ընթերցան զառաջին ատենագրութիւնս և զթերին լցին 'ի բանից Յունաց՝ զորս յառաջագոյն ոչ կամէին խոստովանիլ, և իբրեւ թէ երկոքին կողմանք հաճեցան խաղաղութեամբ իրաւախոհ լինել, սակայն հաճութիւնն Հայոց՝ էր ակամայ, զի առանց վաւերական գրոյց մտեալ էին 'ի դատաստան, և զարձանագրութիւնս հրովարտակաց ոչ գտին . գրեանքն Յունաց գրեցան յիւրմին, իսկ Հայոցն ոչ . զի բանիւ Յունաց հաստատեալ լինէին սեփականութիւնք նոցին . զորս կամէին՝ այո՛ ասէին, և զորս ոչ կամէին՝ մերժէին, այսպիսի եղանակաւ շահեցան Յոյնք զիրաւունս իւրեանց . սակայն Տէրութիւնն գթացեալ 'ի վերայ Հայոց, ոչ կամեցաւ զրկել զնոսա իոպառ յերուսաղէմէ . զի տեղիքն Յունաց անուանեցան Ժառանգութիւն, իսկ Հայոցն՝ հիւրանոց և պատահական, և պատուէր եղեւ այլոց չհերքել զՀայս 'ի տեղեաց անտի : Եւ չինութիւն տաճարին Ս . Յարութեան յատկացաւ Յունաց միայն, որում թէպէտեւ ցաւէին Հայք 'ի ներքուստ՝ քաջ գիտելով զկորուստ իրաւանց ազգին, այլ չէր հնար չրջել քաւանն յայլ եղանակ և Դատաւորք խոստացան 'ի հասանիլ հրովարտակացն՝ կրկին առնել քննութիւն, եւ այսպիսի եղանակաւ մեկնեցան անտի : Իսկ 'ի 16 Օգոստոսի դարձեալ ելին յԱտեան, ուր ընթերցան 'ի լուր ամենեցուն զկատարեալ իւրմն, չլինել այնուհետեւ այլ եւս վէճ եւ խռովութիւն 'ի մէջ երկուց ազգաց յերուսաղէմ վասն տեղեաց . հաճեցան ընդ այս Հայք և Յոյնք, և որպէս թէ հաշտեալ ընդ միմեանս գնացին իւրաքանչիւր 'ի տեղիս իւրեանց : Իսկ Դատաւորք ձեռն արկեալ կնքեցին զպատրաստեալ իւրմն և մատուցին զայն առ Արքայ, և զկնի աւուրց ինչ ել 'ի Դրանէ երկու հրովարտակ գրեալ 'ի թուին Հիճրէթի ՎԿԿԷ և տուաւ մին Հայոց և միւսն Յունաց, նոքա արարին զայն Խաթիթի Շէրիֆ և զարդարեցին ֆանր նկարիւք, և ետուն արձանագրել 'ի Դամասկոս, 'ի